

四鼓嬰兒跨鳳姁女忻然持鞚性命兩停停自是睡輕無夢無
夢無夢瑞氣祥光簇捧

五鼓眾星相拱應物無勞擒縱時顯夜明珠無睡無眠無夢無
夢無夢五彩雲蹤繼踵

木蘭花令

和師韻

諸公日日閑團聚飯罷時時眼厮覷專專惟望馬風言怎敢玄
玄輕泄露 常常只把氣神護謹謹調和龍虎步徐徐鍊就九
還丹箇箇成仙雲外去

萬年春

道藏輯要

漸悟集

望

胃集七
明川三

緣甚修持風仙釣出侵雲構靈苗秀幹運真母非是調羹手
小過誰無語失當緘口班行後怎生依舊除是隨風走

又

自己園亭無分晝夜宜重構黃芽秀欲攜雲母那裏須垂手
無相人人驀地開金口明先後須當遺舊拏出元初走

又

堪歎人人波波劫劫貪名利何時已眼光落地到此纔方悔
雖有兒孫要替應難替辭生淚甚家滋味想著心先碎

又

奉勸人人塵中莫競錐刀利心先已勿欺天地事在前頭悔

欲免輪回休望兒孫替休垂淚道家真味把恩愛先鎚碎

夢得一枝白筆

昨夜山侖夢遊蓬島逢鍾呂文房數一枝純素不讓蒙恬做
遠勝江淹五色何曾污相宜處書心開悟堪應三清舉

又

冬至陽生迎春撥雪黃芽好人驚早香如芝草玉碾勝磨搗
神水烹煎自在除陰耗金童報絕品珍寶啜罷遊蓬島

贈陳知命

地肺陳公白毫顯出非常異人難比希夷苗裔肯著塵凡累
猛捨家緣物外搜玄理清心意自然澆溉太一沖和氣

道藏輯要

漸悟集

望

胃集七
川三十三

贈興國寺修塔僧

物外高僧澄澄湛湛真禪刹真禪刹心無察察理趣常手刷
玉性玲瓏處處皆通達皆通達無拘無轄壘起黃金塔

甯解元許邵菴門以詞督之

譚馬邱劉專專卓箇菴兒住修行處未知門戶有箇先生許
翹俟佳音萬望垂青顧如無悞決登雲路豈敢忘恩府

勸道友

去去來來來去去何時了堪失笑利名纏倒衣換知多少
奉勸人人早把元陽保休虛耗結成珍寶得赴蓬萊島

詠李實菴名靜樂